

四庫全書

史部

欽定四庫全書

欽定熱河志卷五十四

疆域六

建昌縣

即塔子溝廳

建昌縣境東西相距二百六十里南北相距六百八十五里自縣治東至齊里齊接朝陽縣界一百二十里西至列山梁接平泉州界一百十里南至虎頭石接永平府遷安縣邊外地界二百六十里

北至三官營接平泉州界十五里

自三官營北一百六十里為平

泉州境至牛膝和屯復入縣界

又五十里至牛膝和屯北行入縣

屬漢旗界一百八十里又北至教漢旗王府接赤

峯縣界一百十五里東南至養馬甸接臨榆縣界

三百七十五里西南至小甸子接遷安縣界二百

九十里東北踰平泉州境自牛膝和屯至烏蘭岡

嚶接朝陽縣界五百五十里西北自牛膝和屯至

博羅科接赤峯縣界三百五十里自縣治東南至

喀喇沁左翼駐處一百十里北至教漢管兵務王  
子駐處二百八十里又北至教漢管旗務王子駐  
處四百二十里自縣治西至熱河

行宮三百六十里縣屬村莊詳載于後

大鹿溝 在縣治東三十里

大城子 在大鹿溝東四十里西有長壽山

齊里齊 在大城子東北三十里東北接朝陽縣

界西北接平泉州界

鐵溝 在大城子東二十里

右建昌縣東境在喀喇沁左翼地

五道溝 在大城子東南七十里

玲瓏塔 在五道溝東南十五里

過梁溝 在玲瓏塔東三十里

蠻子八家 在過梁溝東二十里東北接朝陽縣

界

香爐山 在蠻子八家東九十里東接錦州府黎

樹溝門界

楊樹溝

在玲瓏塔東南三十里

頭道灣

在楊樹溝東南三十里

小子營

在頭道灣東北四十里

簸箕兒

在頭道灣東南二十里

海亭

在簸箕兒東二十五里東接錦州府白石

甯門界

十道營

在縣治東南一百十里至喀喇沁左翼

駐處有巴顏濟魯克山又東至此三十里有布

古圖山漢名白鹿山即古狼山

詳見山門

郭爾比

在十道營東南四十里東有瑞雲山釜

山蒐濟河經流其麓

紗帽廠

在郭爾比東二十里

楊樹灣

在紗帽廠東二十里

呼魯蘇台

在楊樹灣東二十五里

青石嶺

在呼魯蘇台東二十五里接錦州府

明水塘門界

馬廠 在郭爾比東南四十里

養馬甸 在馬廠東五十里南接臨榆縣邊外界

青山嶺 在十道營南七十里南接臨榆縣邊外

界

右建昌縣東南境在喀喇沁在翼地

五官營 在縣治南十里

喀卜齊爾 在五官營東南十五里

三台營

在喀卜齊爾東南六十里大凌河三源

于此合流

平房兒

在三台營東南十里

孤轎子

在平房兒東二十里至喀喇沁左翼駐

處又南至此四十里

土心塔

在孤轎子南三十里南接遷安縣邊外

界大凌河源出焉

小蒜溝

在三台營南七十里

色魯肯 在小蒜溝南二十里

龜石嶺 在色魯肯南四十里南接遷安縣邊外

界

奈曼營 在三台營西南二十里

白牛羣 在奈曼營西南二十里

虎頭石 在白牛羣西南二十里南接遷安縣邊

外界青龍河經流其東

紅吉勒台 在五官營南五十里

茶棚 在紅吉勒台西南三十里

多爾登 在茶棚西南四十里

大甸子 在多爾登西南四十里青龍河經流其

東

小甸子 在大甸子西南十里南接遼安縣邊外

界

右建昌縣南境在喀喇沁左翼旗地

塔子底 在縣治西二十里

宋家嶂子 在塔子底西十五里

喇嘛嶂子 在宋家嶂子西十里

雙廟 在喇嘛嶂子西十五里

北宮 在雙廟西三十里

南宮 在北宮南十里

列山梁 在北宮西二十里西接平泉州界

右建昌縣西境在喀喇沁左翼旗地

三官營 在縣治北十五里大凌河西源出焉北

接平泉州界又北行一百六十里至牛膝和屯  
復入縣界

朱勒格 在三官營西北五里

小城子 在朱勒格西北十里

熱水湯 在朱勒格東北三十里北接平泉州界

右建昌縣北境在喀喇沁左翼旗地

牛膝和屯 自縣治北十五里之五官營北踰平

泉州境一百六十里至卧佛寺界入縣境至此

五十里

熱水湯

在牛膝和屯西北三十五里

穆克店

在熱水湯北二十里

納林格爾

在穆克店北十五里

博羅科

在納林格爾北一百里

四家兒

在牛膝和屯東二十里

庫爾都

在四家兒東三十里

多羅河屯

在穆克店東三十里

瑪尼罕

在多羅河屯東十五里

長格爾

在瑪尼罕東十五里

南齊爾庫

在長格爾東二十里

分水嶺

在南齊爾庫東南十五里

扣肯

在南齊爾庫東北二十五里

哈拉垓

在扣肯東二十里

劉家屯

在哈拉垓東南四十里其南五里接朝

陽縣界

西克魯岱

在納林格爾東三十五里

鐵匠營

在西克魯岱東三十里

東克魯岱

在鐵匠營東十五里

台吉和洛

在東克魯岱東北二十里

羅里城

在台吉和洛東北六十里

巴奚里河

在羅里城東北五十里

吉勒巴溝

在巴奚里河東南三十里

昇金

在吉勒巴溝東南二十里

噶察爾

在昇金東南二十里東接朝陽縣界

北齊爾庫

在巴奚里河東三十里東接朝陽縣

界老河經流其西北

馬唐營

在納林格爾東北三十里老河經流其

北

庫克招

在馬唐營東北三十里老河經流其北

烘郭圖

在庫克招東北三十里

王子廟

在烘郭圖東北五十里

阿爾齊蘭 在王子廟東北三十里

烏蘭岡嘎 在阿爾齊蘭東北六十里

右建昌縣最西北境在教漢旗地

朝陽縣

郡三座  
塔廳

朝陽縣境東西相距二百六十里南北相距五百

三十里東至朝陽寺接錦州府松嶺子門界一百

三十里西至擔杖溝梁接平泉州解一百三十里

南至六家子接建昌縣界一百五十里北至奈林

稿接科爾沁界三百八十里東南至雲蒙山接連  
昌縣界一百八十里西南至圖爾根接建昌縣界  
一百五十里西北至三家窩接建昌縣界一百七  
十里自縣治東北至土默特右翼駐處五十里又  
東北至土默特左翼駐處一百三十里又東北至  
喀爾喀旗駐處一百五十里東北至庫倫旗駐處  
一百七十里自縣治西北至奈曼王駐處一百五  
十里自縣治西南至熱河

行宮六百四十里縣屬村莊詳載于後

三座塔 為朝陽縣治東有古爾班蘇巴爾罕山

古爾班謂三蘇巴爾罕謂塔三座塔以此名

十里鋪 在縣治東稍北十里

長坂營 在十里鋪東十里

大碾上 在長坂營東十里又東十里為土默特

右翼駐處有大華山

賈家嶂子 在大碾上南十里大凌河經流其北

營草溝

在賈家嶂子東南二十五里

炒米甸

在營草溝東南二十里

朝陽寺

在炒米甸東南二十里東接錦州府松

嶺子門界有鳳凰山山有朝陽洞即古龍山

右朝陽縣東境

中山營

在縣治東稍南五里

堯子溝

在中山營東二十里

小木耳頭

在堯子溝東十五里

大木耳頭 在小木耳頭東二十里

舊燒鍋 在大木耳頭南二十五里

五十家子 在舊燒鍋東南十五里

二十家子 在五十家子東二十里

黃土坎 在二十家子東二十里

雲蒙山 在黃土坎南三十里

二道溝 在雲蒙山東南二十里

孟良塔 在二道溝東南十里

五頂山

在孟良塔東南十里

東姑子營

在五頂山東十五里東接錦州府新

開門界

右朝陽縣東南境

口北營

在縣治南五里

哨虎營

在三座塔南稍西五里

鷄兒營

在哨虎營西南十里

齊巴噶溝

在鷄兒營西南二十五里

寡婦營 在齊巴噶溝西南四十五里

羊山 在寡婦營東十五里

荒地 在羊山南四十五里

六家兒 在荒地南二十里其南十五里接建昌

縣界

水泉子 在寡婦營西四十五里

牛糞洞 在水泉子西南三十五里

三官營 在牛糞洞西南三十里南接建昌縣界

右朝陽縣南境

爛泥塘 在縣治西稍南三十里

卧佛寺 在爛泥塘西二十里

噶察爾 在卧佛寺西二十里

平房兒 在噶察爾西南二十五里

木頭城子 在平房兒西南二十五里

圖爾根 在木頭城子西三十里圖爾根河經流

其地其西三十五里接建昌縣界

右朝陽縣西南境

喀喇台吉營 在縣治西二十里

三家兒 在喀喇台吉營西二十里

波羅台溝 在三家兒西二十里

星格特台 在波羅台溝西三十里

康家屯 在星格特台西十五里

擔杖溝 在康家屯西十里西接平泉州界

右朝陽縣西境

七道營 在縣治西北十里

鐵匠爐 在七道營西十里

穿心店 在鐵匠爐西十里

大青溝 在穿心店西十里

甯家嶂子 在大青溝西二十里

紅吉勒達巴 在甯家嶂子西二十里西接建昌

縣界

右朝陽縣西北境

西姑子營 在縣治北十五里

孤山子 在西姑子營北三十里

哈倫台 在孤山子西北三十里

駱駝溝 在哈倫台西北三十里北接建昌縣界

十家 在縣治北稍東十里

搭拉格爾 在十家子北十五里

西莊頭營 在搭拉格爾北二十五里

波羅齊 在西莊頭營北三十里

西烏梁蘇台 在波羅齊北二十里

東烏梁蘇台 在西烏梁蘇台北二十里北接建

昌縣界

右朝陽縣北境

白鷄兒營 在十家子東北十五里

托和多 在白鷄兒營東十五里

榆樹林 在托和多北五十里北接縣屬奈曼旗

界

四角坂

在托和多東北二十里

蒙古營

在四角坂北二十五里

喇嘛寺

在蒙古營北三十里北接縣屬奈曼旗

界

東莊頭營

在四角坂東十里東接縣屬土默特

左翼旗界

岡噶爾

自縣治東北五十里至土默特右翼貝

子旗又東北至此四十里東接土默特左翼旗

界

窩匠屯

在土默特右翼貝子旗東二十五里

古爾古台

在窩匠屯東二十五里東接縣屬土

默特左翼旗界

巴朗營

在土默特右翼貝子旗南二十五里

右朝陽縣東北境在土默特右翼地

窩上屯

自縣治東北至土默特左翼一百八十

里又東至此四十里

台吉營 在塞上屯東六十里東接錦州府白土

廠門界

丹齊喇嘛寺 在土默特左翼貝勒旗南五十里

蓮花山 在丹齊喇嘛寺南四十里東接錦州府

清河門界

馬家屯 在蓮花山西南五十里其西南十五里

接土默特右翼之古爾古台界

端濟山 在土默特左翼西南四十里

鄂郭蘇台 在端濟山西南五十里其西南五十

里接土默特右翼之岡噶爾界

卧佛寺 在土默特左翼西十五里

白鷄兒 在卧佛寺西二十里

三家兒 在白鷄兒西二十里

貝勒營 在三家兒西南四十里其西南六十里

接土默特右翼之東莊頭營界

教保爾 在三家兒西六十里西接縣屬奈曼旗

界

湯頭廟 在三家兒西北七十里西接縣屬秦曼

旗界

石灰窰 在卧佛寺西北一百十里

岡溝 在石灰窰西北一百里

馬廠 在岡溝西北一百里

轉經兒 在石灰窰北七十里

二道營 在土默特左翼七十里

山根 在二道營北五十里

大吉營 在審上屯東北八十里自土默特左翼

東北至此四十里

乾河子 在大吉營東北五十里

達賴營 在乾河子東北六十里東接錦州府彰

武臺門界

右朝陽縣最東北境在土默特左翼地

二里屯 在縣治北一百四十八里奈曼王駐處

南二里

納新溝 在二里屯三十里

梅勒溝 在納新溝東北三十里東接本屬土默特左翼界

教保爾溝 在二里屯南三十里

哈什圖 在教保爾溝東五十里其東七十里接本屬土默特左翼旗界

四里得墩 在二里屯西南十五里

阿拉超爾溝 在四里得墩西南十五里其西七

十里接敖漢旗界

碩羅甸子 在阿拉超爾溝南二十里其南九十

里接本屬土默特右翼界

烏里雅蘇台 在阿拉超爾溝北五十里

額默根 在烏里雅蘇台西北一百三十里

崑都嶺 在額默根西北一百五十里

五十家子 在崑都嶺東北八十里

高立圖 在額默根東北七十里

納林格爾 在高立圖東九十里

石牌兒 在納林格爾東七十里

右朝陽縣最北境在奈曼旗地

欽定熱河志卷五十四

欽定四庫全書

欽定熱河志卷五十五

建置沿革一

承德府屬全境自慕容燕都龍城始有建置可言  
越晉以前上溯周秦雖鄰界北邊總未入內地疆  
域為州郡所不及若太平寰宇記引開元十道略  
舜築柳城既荒遠不可考遼史地理志以中京大  
定府為虞營州則不知舜分青州為營州所得者

遼東之地不得逾遼水以西也蓋今承德府境於  
禹貢為冀州邊外而虞及殷周幽州之邊外也秦  
漢而還在漁陽右北平遼西三郡邊外為諸部分  
據北魏雖設安營二州亦與奚契丹雜居遼金與  
元各建郡縣而宅中未久故址旋荒明棄大寧視  
為外域我

國家撫臨函夏中外一家設廳分治以來久成都會  
近復改設府州縣規制不殊內地珥筆扈從之臣

親承

指示得識其山川道里數千年沿革之迹釐然可考茲  
倣史記年表之例以地為經以時為緯為承德府  
建置沿革全表而周秦以來並按代編纂各系以  
圖用便省覽志建置沿革第七

承德府全屬州縣分境建置沿革考略

熱河全境設承德府及所屬一州五縣其建置沿  
革自周秦迄元明援據史書旁採碑碣按代考証

已備見前卷茲復舉府本境及州縣各境析時代  
以從疆域分舉大凡用便觀覽如承德府本境則  
周秦為東胡地漢為匈奴左地武帝時為塞地後  
入烏桓後漢初為烏桓地後屬鮮卑中部魏為鮮  
卑軻比能地後與素利彌加厥機諸部雜居晉初  
為鮮卑段氏地北境為宇文氏地後併入慕容氏  
為前燕地苻堅時為秦地屬幽州慕容垂復國後  
為後燕地屬幽州馮跋時為北燕地北魏為安州

廣陽郡燕樂縣地北境庫莫奚地後併入庫莫奚

北齊周隋唐因之

隋唐去庫莫字但名奚

遼為中京道澤州

灤河縣及北安州地金為北京路興州興化縣宜興縣地大定府神山縣地元為上都路興州興安縣宜興縣地大寧路惠州地明初為興州衛廢入

諾音

舊作朵顏今改正

衛

本朝初內屬雍正元年設熱河廳十一年改設承德州乾隆七年罷州仍設熱河廳四十三年改設今

府此承德府本境之建置沿革也灤平縣境則周為東胡地秦初為東胡地後併入匈奴漢為匈奴左地武帝時為塞地後入烏桓後漢初為烏桓地後屬鮮卑中部魏為鮮卑地晉初鮮卑段氏地後併入慕容氏為前燕地苻堅時為秦地屬幽州後燕復國屬幽州後為北燕地北魏為安州廣陽郡廣陽縣地西境為禦夷鎮地後併入庫莫奚北齊周隋唐因之遼為中京道北安州地西境奚王府

地金為北京路興州興化縣宜興縣元為上都路  
興州興安縣宜興縣地明初為興州衛後廢入諾

音衛

本朝初內屬乾隆七年設喀喇河屯廳四十三年改  
設今縣比灤平縣境之建置沿革也豐寧縣境則  
周為東胡地秦初為東胡地後併入匈奴漢為匈  
奴左地武帝時為塞地後入烏桓後漢初為烏桓  
地後屬鮮卑中部魏為鮮卑地晉初為鮮卑宇文

氏地後入慕容氏為前燕地苻堅時為秦地屬幽州後燕復國屬幽州後為北燕地北魏為安州廣陽郡燕樂縣方城縣地西南境為禦夷鎮地北境為庫莫奚地後併入庫莫奚北齊周隋唐因之遼為中京道北安州利氏縣西境奚王府地金為北京路興州興化縣宜興縣地西北境兼得西京道桓州地元為上都路興州興安縣宜興縣地西北境兼得開平府開平縣地明初為興州衛地西北

境為開平衛地後俱廢入諾音衛

本朝初內屬乾隆元年設四旗廳四十三年改設今縣此豐寧縣境之建置沿革也平泉州境則周初為山戎地後併入東胡秦初為東胡地後併入匈奴漢為匈奴左地武帝時為塞地後入烏桓後漢初為烏桓地後屬鮮卑東部魏為鮮卑地晉初為鮮卑段氏地後併入慕容氏為前燕地苻堅時為秦地屬幽州後屬平州後燕復國屬平州尋改營

州後為北燕地北魏為營州建德郡陽武縣冀陽  
郡平剛縣北齊為營州建德郡冀陽郡地周時為  
北齊高保寧地隋為遼西郡地西境為奚地唐為  
奚地遼為中京大定府大定縣長興縣勸農縣富  
庶縣文定縣升平縣歸化縣金源縣恩州恩化縣  
澤州神山縣金為北京大定府大定縣長興縣富  
庶縣金源縣神山縣元為大寧路大定縣後改大寧縣  
富庶縣金源縣惠州明初為大寧衛新城衛富峪

衛會州衛後俱廢入諾音衛

本朝初內屬雍正七年設八溝廳乾隆四十三年改  
設今州此平泉州境之建置沿革也赤峰縣境則  
周初為山戎地後併入東胡秦初為東胡地後併  
入匈奴漢初為匈奴左地武帝時為塞地後入烏  
桓後漢初為烏桓地後屬鮮卑東部魏為鮮卑地  
晉初為鮮卑段氏地北境為宇文氏地後併入慕容  
氏為前燕地苻堅時為秦地初屬幽州後屬平

州後燕復國屬平州尋改營州後為北燕地北魏  
為厓莫奚地北齊周時因之隋唐時為契丹地遼  
為中京道高州三韓縣上京道松山州松山縣饒  
州長樂縣臨河縣安民縣上京臨潢府臨潢縣定  
霸縣保和縣潞縣宣化縣金為北京路大定府三  
韓縣松山縣靜封縣全州安豐縣臨潢府臨潢縣  
盧川縣元為大寧路高州土都路松州全寧路全  
寧縣兼得魯王分地明初為大寧衛全寧衛地後

廢入諾音衛

本朝初內屬雍正七年設八溝廳為廳北境地乾隆三十九年析置烏蘭哈達廳四十三年改設今縣此赤峰縣境之建置沿革也建昌縣境則周初為山戎地後併入東胡秦初為東胡地後併入匈奴漢初為匈奴左地武帝時為塞地後入烏桓後漢初為烏桓地後屬鮮卑東部魏為鮮卑地晉初為鮮卑宇文氏地後併入慕容氏為前燕地苻堅時

為秦地初屬幽州後屬平州後燕復國屬平州尋  
改營州後為北燕地北魏為營州建德郡石城縣  
廣都縣冀陽郡柳城縣北境為契丹地北齊為營  
州建德郡地北境為契丹地周時為北齊高保寧  
地北境為契丹地隋為遼西郡地北境為契丹地  
唐為營州柳城郡柳城縣地後與契丹雜居北境  
契丹地西境奚地遼為中京道利州阜俗縣澤州  
龍山縣榆州和衆縣永和縣東南境兼得隰州海

濱縣地北境惠州惠和縣兼得高州三韓縣地金  
為北京路利州阜俗縣龍山縣大定府和衆縣東  
南境兼得瑞州海濱縣北境大定府惠和縣兼得  
三韓縣地元為大寧路和衆縣龍山縣利州東南  
境兼得瑞州地南境惠州地北境惠和縣明初為  
營州衛地後入泰寧衛

本朝初內屬乾隆三年設塔子溝廳四十三年改設  
今縣此建昌縣境之建置沿革也朝陽縣境則周

初為山戎山地後併入東胡戰國時東南境屬燕  
秦初為東胡地後併入匈奴漢初為匈奴左地武  
帝時為塞地後入烏桓後漢初為烏桓地後屬鮮  
卑東部魏為鮮卑地晉初為鮮卑宇文氏地後併  
入慕容氏為前燕地苻堅時為秦地初屬幽州後  
屬平州後燕復國屬平州尋改營州後為北燕地  
北魏為營州昌黎郡龍城縣廣興縣定荒縣地北  
境為契丹地北齊為營州龍城縣廣興縣北境為

契丹地周時為北齊高保寧地北境為契丹地隋  
初為營州建德郡後廢州置總管府改置遼西郡  
龍山縣後改柳城縣北境為契丹地唐為營州柳  
城郡後與契丹雜居北境為契丹遼為中京道興  
中府興中縣營邱縣象雷縣閭山縣建州永霸縣  
永康縣安德州安德縣川州咸康縣宏理縣宜民  
縣武安州武安縣成州同昌縣東境兼得宜州宏  
政縣西境兼得大定府神水縣東南境兼得來州

地金為北京路興中府興中縣建州永霸縣永德縣宜民縣大定府武平縣東境兼得義州宏政縣同昌縣元為大寧路興中州建州川州武平縣東境兼得義州懿州地西北境兼得魯王分地明初為營州衛地後廢入泰寧衛

本朝初內屬乾隆三年設塔子溝廳為廳東境地三十三年析置三座塔廳四十三年改設今縣此朝陽縣境之建置沿革也前卷分撰各表皆以時為

經以地為緯茲復以地為經以時為緯彙撰列表  
一篇著于左方





灤平縣

河之東

中領地東領地白奴左烏地

後州入地

白奴

高臺地

後人

極地

外

外

後國

後國

後國

後國

後國

後國

後國

後國

後國

後國

後國

後國

後國

後國

後國

後國

中京道北京路二都路

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

後州入地

地

豐

寧

縣

以四鎮  
廳地置

東胡地

後併入地

白奴

武帝時  
中南部

為塞地

後入烏

桓

烏桓地

後屬鮮

鮮卑地

文氏地

後併入

鬱官氏城縣地

為前遼西南境

地

為春地

屬幽州

後併入

後併入

屬幽州

後燕時

屬幽州

後為北

燕地

安州廣

原塞

康塞

地

塞地

奚地

中京道

北安州

利民縣

興化縣

興化縣

興化縣

興化縣

興化縣

興化縣

興化縣

興化縣

興化縣

北安州

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

上都路

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣

興化縣













欽定熱河志卷五十五

欽定四庫全書

欽定熱河志卷五十六

建置沿革二

周 秦


漢



建置沿革圖 一 周 秦



# 建置沿革圖二漢



周 秦

漢

承德府屬全境周屬山戎東胡後為燕漁陽右北平遼西郡邊外接東胡地

史記齊世家

互見匈奴傳

山戎伐燕

服虔曰山戎北狄蓋今鮮卑也何休

曰山戎者戎中之別名也

燕告急於齊齊桓公救燕遂伐山戎

至於孤竹而還

史記匈奴傳

互見漢書

燕北有東胡山戎

漢書音義曰烏丸或云鮮

畢索隱曰服虔云東胡烏丸之先  
後為鮮卑在勾奴東故曰東胡

其後燕有賢將

秦開襲破東胡東胡卻千餘里燕築長城自造陽

韋昭曰地名在上谷正  
義曰按上谷郡今媯州

至襄平

索隱曰韋昭云  
今遼東所理

置

上谷漁陽右北平遼西遼東郡以拒胡

杜佑通典營州春秋時地屬山戎戰國時屬燕

按後漢書郡國志令支縣有孤竹城令支及孤

竹令盧龍縣遷安縣地自此以東北皆山戎境

齊師至此而山戎遁走故遂自孤竹而還今永

平府北邊外即承德府屬之東南境知為春秋  
時山戎地也東胡與匈奴接壤當在山戎西今  
順天府北邊外即承德府屬之西南境知為春  
秋時東胡地也服虔以山戎為漢鮮卑以東胡  
為漢烏桓而於東胡又云後為鮮卑並為東胡  
之支山戎則戰國時已無聞蓋為東胡強盛所  
併是承德府全境在春秋末又當全為東胡地  
也通典所列之營州即慕容氏之龍城在今朝

陽縣境其所稱戰國時屬燕者當在燕將襲破  
東胡卻地十里之後蓋當春秋時令支孤竹之  
地皆為山戎所據觀國語稱齊桓公北伐山戎  
荆令支斬孤竹史記匈奴傳稱北伐山戎離支  
支即令孤竹齊師本為救燕而出而於今支孤竹  
曰伐曰荆曰斬者則其地屬山戎而非燕有可  
知自東胡既卻之後令支孤竹之地始入於燕  
乃得築城界上以自守燕之長城其故趾雖無

確據然史稱自造陽至襄平造陽之地韋昭及  
師古並謂在上谷為今宣化府地襄平本漢縣  
為今奉天府遼陽州地是今居庸以東之邊牆  
實與燕之長城形勢不遠特燕長城東迄遼水  
故今承德府屬之迤東南境兼為燕地耳今之  
順天府永平府及錦州府為古漁陽右北平遼  
西郡地承德府屬一州五縣當漁陽郡右北平  
郡之北遼西郡之西北惟諸郡皆逼近東胡故

燕築長城以距之也

秦亦為漁陽右北平遼西郡邊外接東胡地秦漢之際為匈奴地

史記匈奴傳

互見漢書

冒頓自立為單于

徐廣曰時係秦二世元年

壬辰歲立

東襲擊東胡東胡初輕冒頓不為備及冒頓

以兵至擊大破滅東胡王遂侵燕代是時漢兵與項羽相距中國罷於兵革以故冒頓得自彊

按秦築長城史記漢書稱其因邊山險塹谿谷

可繕者治之起臨洮

今甘肅岷州

至遼東萬餘里考

長城在戰國時已遽興築秦昭王伐殘義渠於是  
有隴西北地上郡築長城以距胡此秦之長城  
魏惠王築長城塞固陽此魏之長城趙武靈王  
北破林胡樓煩築長城自代並陰山下至高闕  
為塞置雲中雁門代郡此趙之長城自上谷郡  
至遼東則為燕之長城地勢本自相接始皇特  
因而增築聯綴之其方位原未大改也秦長城

東盡處括地志以為至大遼水大約自盧龍塞

今潘家口

以東尚迤北以迄於遼水與唐以後之長

城自平州東境即迤南以至渝關

今山海關

者微有

不同長城自秦以後一築於後魏再築於東魏

然皆在上谷郡代郡以西惟北齊五築長城史

稱自西河總秦戍東至於海前後所築東西三

千餘里則長城之迤南迄海當改築於是時逮

隋四築長城復城榆關

即渝關是為山海關築城之始通典謂臨渝關

在盧龍縣東百八十里故知即今山海關於是北魏以前之遺址漸

廢觀隋書地理志漁陽郡無終縣北平郡盧龍

縣下皆有長城太平寰宇記薊州東北至平州

石城縣界廢盧龍戍二百里戍踞開皇長城置

所云無終縣盧龍縣及薊州

唐薊州即隋無終縣

東北之

長城即今潘家口迤東之邊牆知即為北齊與

隋之所築也秦長城既東迤遼水故今平泉州

之迤南境建昌縣之迤東南境正與右北平郡

遼西郡接壤而承德府屬全境形勢則自在漁陽右北平遼西三郡邊外當秦築長城時東胡

正彊而秦自上谷以東之郡縣本因燕舊故知

今承德府及所屬州縣地多屬東胡至二世以

後冒頓始併有之史記周勃傳破綰燕王軍上

蘭復擊破綰軍沮陽追至長城定上谷十一縣

漢書作右北平十六縣遼西遼東二十九縣漢書

脫遼西漁陽二十二縣可知漢之郡縣又因秦二字

舊其曰至長城而不曰出長城者知漢時諸縣之並在長城以內矣

漢初在漁陽右北平遼西郡邊外接匈奴左地武帝時為塞地後入於烏桓

史記匈奴傳

互見漢書

至冒頓而匈奴最彊大盡服從

北夷而南與中國為敵國置左方王將居東方直

上谷以東接穢

亦作穢

貉朝鮮右方王將居西方直

上郡以西接月氏氏羌而單于之庭直代雲中

時在

高帝初年自武帝元封以後單于益徙而西北其左方兵直雲中並見匈奴傳 漢令大將

軍青驃騎將軍去病分軍擊匈奴單于與漢大將軍接戰潰漢圍西北遁走驃騎將軍與左賢王接戰左賢王將皆遁走是後匈奴遠遁而幕南無王

庭

元狩四年

後漢書烏桓傳烏桓者本東胡也漢初匈奴冒頓滅其國餘類保烏桓山因以為號常臣伏匈奴及武帝遣驃騎將軍霍去病擊破匈奴左地因徙烏

桓於上谷漁陽右北平遼西遼東五郡塞外為漢  
偵察匈奴動靜

按漢初匈奴兼有幕北幕南之地史記所稱直  
者其地遙相當之謂匈奴左方直上谷東至濊  
貉朝鮮正漁陽右北平遼西遼東郡之邊外也  
又史記稱元朔二年漢棄上谷之斗辟縣造陽

地以予胡

漢書匈奴傳贊作棄  
造陽之北九百餘里

師古謂斗絕也

縣之斗曲入匈奴界者其中造陽地也造陽在

宣化今其地尚懸出邊外秦漢時上谷郡之長

城即今居庸等內三關之邊牆

宣化府赤城龍門以北之邊牆

為北魏秦常時及唐開元時所增築

而造陽尚在長城以外惟造

陽左右皆屬匈奴地故造陽特斗入其中若以

今承德府屬境為漢時郡縣所及則造陽轉為

腹地不得云斗入匈奴矣蓋自秦漢之交匈奴

即據有幕南逮霍去病擊破左賢王於是匈奴

遁而西北而幕南遂為甌脫地特徙烏桓以錯

居之其全為烏桓所據則當在西漢之末

又按漢時緣邊諸郡自長城以外尚有塞地乃  
亭障所在也上谷以西諸塞屢見於匈奴傳其  
在雁門郡外者稱武周塞雲中郡外者稱益壽  
塞及葛邪塞五原郡外者稱光祿塞朔方郡外  
者稱雞鹿塞西河郡外者稱制虜塞隨地異名  
至上谷以東之塞則漢武帝時所開考漢元帝  
時單于請罷備塞吏卒郎中令侯應議狀云北

邊塞至遼東外有陰山東西十餘里草木茂盛  
多禽獸本單于依阻其中至孝武世出師斥奪  
此地攘之於幕北建塞徼起亭隧築外城設屯  
戍以守之然後邊境得用少安起塞以來百有  
餘年非皆以土垣也或因山巖石木柴僵落谿  
谷水門稍稍平之卒徒築治功費久遠不可勝  
計所謂北邊塞至遼東外東西十餘里正今承  
德府屬全境也其曰築外城者以其處長城之

外而長城之尚在塞南無疑侯應習於邊事於塞南之地但言亭隧而不言郡縣則郡縣之尚在長城內亦無可疑應又云前已罷外城省亭隧今裁足以候望通烽火而已匈奴傳亦謂地節二年漢罷外城以休百姓是漢之外城至宣帝時已漸廢今已侯應所述邊境言之長城以內設有郡縣長城以外設有屯戍自長城至於陰山凡屯戍所及其中皆謂之塞今承德府屬

全境及口北三廳凡在興安大嶺以南者皆當時塞地也自塞以外則為烏桓為今內扎薩克蒙古地烏桓以外則為幕北屬之匈奴為今喀爾喀地蓋孝武時之形勢如此自昭宣以後亭障既省烏桓漸越居內塞逼近長城至東漢之初所謂朝發穹廬暮至城郭者其地即與上谷漁陽右北平遼西遼東五郡相接矣

又按一統志原本以熱河為漢白檀縣要陽縣

滑鹽縣地引水經注濡水

今潞河

逕白檀縣故城

大要水

今密雲縣境之清水河

逕要陽縣故城東大榆河

即鮑邱水

今潮河逕滑鹽縣南及三國志魏武北征烏

桓出盧龍塞經白檀之文為證謂漢時白檀等

縣皆處邊外而實未足為據也漢白檀要陽滑

鹽三縣屬漁陽郡見於漢書地理志而後漢書

郡國志無之說者遂疑其本在邊外而棄入鮮

卑然光武所併之縣甚多應劭謂中興時人民

稀少之故司馬彪謂世祖以官多役煩乃命併省應劭為漢末人司馬彪為晉人其言自必有據今考漢白檀縣當在今密雲縣境前漢有白檀縣及厔奚縣而無密雲縣後漢時省白檀而存厔奚至北魏始置密雲郡即以厔奚縣改置

白檀縣為郡治

魏書地形志密雲郡治提攜城而於白檀縣下復注云郡治故

知魏之白檀即在提攜城考漢書厔奚縣孟康曰厔音題字或作蹄後漢書作僦奚水經注作僦漢魏書作提攜方輿紀要謂提攜城即厔奚之謠而於漢白檀之地又

置有密雲縣北齊以後之密雲縣皆仍北魏之

縣名而實即漢白檀之故界蓋漢厚奚在今密

雲縣之東北

漢厚奚縣即北魏白檀縣北齊以後又為燕樂縣治舊唐書地理志

曰燕樂縣舊治白檀故城即指魏之白檀也續通典曰燕樂漢厚奚縣地據舊唐書地理志燕

樂縣在檀州東北百八十五里太平寰宇記燕樂在檀州東北八十里故知漢厚奚亦即在今

密雲縣

東北而漢白檀即為今密雲縣地故隋唐之

檀州

即今密雲縣

皆從白檀取義遼史地理志於檀

州武威軍下謂燕漁陽郡地漢為白檀縣並引

魏書曹公歷白檀續漢書白檀在右北平之文  
為證曾公亮武經總要于檀州武威軍下引漢  
書將軍李廣弭節白檀之文為證顧祖禹方輿  
紀要白檀廢縣在密雲縣南漢置以縣有白檀  
山而名顧炎武昌平山水記密雲縣南二十里  
有白檀山漢所以名縣者是也至若金史興州  
興化縣下有白檀鎮泰和三年升為宜興縣其  
地在今古北口外舊說據之以為此真漢之白

檀然古來近邊之地其軍戍之名與郡縣相同者頗多如魏之密雲戍見於水經注而不可即以為密雲縣唐之柳城軍見於唐書而不可即以為柳城縣金史於白檀鎮本無沿革可考安可以鎮名之偶同而即據為漢縣乎又考漢要陽縣在今密雲縣東北境前漢之要陽亦後漢時廢北魏復置要陽縣屬密雲縣魏書地理志云密雲郡要陽縣前漢屬漁陽郡後漢晉罷後

復屬蓋言復置其縣而改屬於密雲郡以別於前漢之屬漁陽其實即漢故縣也魏書於郡縣沿革多不甚詳而於要陽明指為漢縣自無可疑又魏書要陽有桃花山而遼史以桃花山屬之檀州可知要陽故地即在檀州境內要陽以要水得名水北曰陽則要陽宜在要水之北方輿紀要要水在密縣東北亦曰清水源出古北口外自大小黃崖口流入境又東入於潮河漢

要陽縣以此名昌平山水記亦謂要水源出塞外至密雲縣東入潮河俗謂之清水河今清水河流經密雲縣東北境要陽自當在縣界清水河之旁與邊外無涉矣又考漢滑鹽縣當在今平谷縣西北境前漢之滑鹽亦後漢時廢水經

注大榆河

卽鮑邱水

逕安州舊漁陽郡之滑鹽縣南

又南逕僦奚縣故城東是滑鹽亦當與僦奚相接滑鹽城又名斛鹽城北魏時置斛鹽戍縣有

廣長塹鄜道元謂魏太和中掘此以防北狄則其地之近邊可知唐書地理志薊州東北九十里  
有洪水守捉又東北三十里有鹽城守捉唐之薊州  
兼有今平谷縣地

唐無平谷縣今平谷縣境皆唐薊州地

其北境之鹽城當屬滑鹽故境方輿紀要滑鹽廢縣在平谷縣西北漢縣屬漁陽郡今平谷北近邊之地多屬密雲是又兼得密雲東境也至水經注稱滑鹽縣西北去樂夷鎮二百里舊說

據之以證滑鹽之在邊外然考水經注云鮑邱  
水出禦夷鎮北塞中則禦夷鎮之在其南可知  
又沽水出禦夷鎮西北九十里則禦夷鎮之在  
其東南可知今潮河即鮑邱水發源豐寧縣境白河  
即沽水發源獨石口外是今豐寧縣之西南境灤  
平縣之西境與獨石口廳相接處即當時禦夷  
鎮地其去邊城本屬不遠水經注所謂滑鹽縣  
西北去禦夷鎮二百里者不應尚在邊外矣至

五代史四夷附錄稱契丹以所得漢人自為一部治漢城城在炭山東南灤河上有鹽鐵之利乃後魏滑鹽縣其地可植五穀宋白續通典稱漢城在檀州西北五百五十里城北有龍門山山北有炭山其地在灤河上源西有鹽泊之利即後魏滑鹽縣此二說者又以滑鹽為在濡源之地然水經注但稱鮑邱水逕滑鹽縣而不言為濡水所經今潮河自豐寧縣發源南流入邊

其水道至今不易實與濡源相距尚遠且滑鹽  
本前漢之說至後漢已廢北魏則本無此縣歐  
陽氏宋氏所稱後魏滑鹽縣者其誤又不待辨  
矣抑又論之一統志原本所據一誤於水經注  
謂白檀為灤河所經要陽又為入灤之要水所  
經故云在邊外今考水經注稱濡水東出峽入  
安州界東南流逕漁陽白檀縣故城復引漢書  
地理志濡水出縣北蠻中之文為証然漢志白

檀縣注洹水出北蠻夷師古音洹為呼鵠反

洹水

即鮑邱水  
今潮河

與濡水之音乃官反者音各不同明

為二水乃以洹水之文入之濡水其誤顯然又  
水經注要水出塞外三川並導謂之大要水東  
南流逕要陽縣故城東又東南流逕白檀縣入  
於濡今之要水亦但入潮河而不入灤河乃知  
白檀要陽實鮑邱水所經而非濡水所經濡水  
要二條本應入鮑邱水而誤入濡水者乃酈注

之舛未可以為徵據也又一統志原本所據一  
誤於三國志以為魏書記言出盧龍塞經白檀  
則白檀自當在邊外是又不然考盧龍塞通典  
謂在平州城西北二百里通典謂在盧龍縣城  
西北二百里盧龍縣即唐平州治以方位道里  
記之正當今永平府西北之潘家口水經注濡  
水逕盧龍塞塞道自無終縣東出今灤河入邊  
之處在潘家口知為古盧龍塞今薊州及玉田

縣即古無終地潘家口在其東北所謂塞道自  
無終縣東出也古亦為之長塹北齊天保四年  
顯祖自將討契丹至平州從西道超長塹者即  
盧龍塞水經注濡水條下又載有盧龍故城為  
魏武征蹋頓時所築然則今永平府西北之口  
固當日師行所由之道矣至於今之密雲為漢  
白檀其地在盧龍塞之西似相距尚遠不知三  
國志所言經白檀者經過其境不必直至其城

田疇熟悉道路而於白檀獨稱為險者蓋自今  
密雲一帶崇山峻嶺其東與盧龍塞相接處皆  
為白檀之險在田疇之計曰從盧龍口越白檀  
之險出空虛之地路近而便明言自盧龍越過  
白檀之險也若從舊說以漢白檀為今灤平縣  
地是魏武既出盧龍塞之後乃反折而西行幾  
於南轅北轍此固勢之必無且田疇所謂路近  
而便者義又安在耶故以魏武師行之道言之

當日軍次無終本欲從東道傍海至柳城既因道寧回軍上徐無山山在今遵化州西乃自無終北行之路繼出盧龍塞塹山堙谷五百餘里皆指塞外之路而言其曰經白檀者乃總計自無終回軍後所歷之地未可泥上文有出盧龍塞之語而即以白檀為在塞外也蓋自既出盧龍塞之後即涉鮮卑庭今承德府屬之南境皆後漢末鮮卑地矣

以上論漢時白檀要陽滑鹽三縣皆在遼內舊說以為熱

河喀喇河屯四旗三廳地即今承德府本境及滦平豐寧兩縣之誤

又按一統志原本於土默特部

屬朝陽縣

之柳城故

城下引漢書地理志之柳城縣於喀喇沁部

屬平

泉

州之大寧故城下引遼志謂本漢新安平縣地

於龍山故城下引遼志謂本漢交黎縣地又方

輿紀要於廢大寧衛

大寧故城在今平泉州東北境

下附列平

岡白狼石城廣城諸城故說者每謂漢時諸縣並在今邊外蒙古之境而皆不免於失實漢柳

城新安平交黎三縣屬遼西郡平岡白狼石城  
廣城四縣屬右北平郡並見漢書地理志考自  
古柳城之名說最不一有漢之柳城即遼西郡  
之第四屬縣是也有慕容燕以後之柳城即慕  
容氏所都之龍城是也有唐以後之柳城新唐  
書地理志平州有柳城軍永泰元年置明一統  
志柳城在永平府西二十里永平府舊志柳城  
在昌黎縣西南六十里靜安社即故軍者是也

遼史地理志營州隋海軍廣寧縣漢柳城縣並  
稱前慕容號徙都於此元魏立營州考遼之鄰  
海軍廣寧縣即今永平府之昌黎縣並非慕容  
氏所都亦非元魏之營州細推其故蓋因元魏  
之營州本在今之三座塔遼於此改置興中府  
而移置營州於今永平府境作史者不察遂以  
舊營州之沿革入之移置營州之下此廣寧漢  
縣為漢柳城之說乃係遼史誤引不可為據

之柳城在今錦州府西境唐以後之柳城在今  
永平府境惟慕容燕以後之柳城在今朝陽縣  
指唐以後之柳城為漢縣者固屬沿謫即指慕  
容燕以後之柳城為漢縣者亦未可為據考前

漢柳城縣至後漢時廢漢末為烏桓蹋頓所據  
魏武既破蹋頓之後為平州地晉永嘉以後入

於慕容氏十六國春秋及晉書載記皆稱慕容

皝以柳城之北龍山之西福地也使築龍城

在今

朝陽縣

是龍城乃別築於柳城之北固二城也唐

章懷太子注後漢書柳城曰柳城縣屬遼西郡

故城在今營州南

唐營州即今朝陽縣

蓋自慕容氏既都

龍城之後北魏之營州昌黎郡隋之營州遼西

郡唐之營州柳城郡遼金之興中府元之興中  
州皆因龍城之舊而實非漢柳城之故治北魏  
書營州昌黎郡龍城縣下既注併柳城廣興縣  
下復注有大柳城紛紛割屬已莫能指其故址  
要之漢柳城在龍城以南與徒河今錦縣及  
寧遠州地無  
慮今廣寧縣  
及義州地二縣接壤自無可疑後漢趙苞遷  
遼西太守遣使迎母及妻子垂當到郡道經柳  
城值鮮卑入塞寇抄後漢之遼西郡治陽樂縣

漢徒河西兩百里為陽樂城當在今錦州府西境若魏氏土地記謂海陽城西南有陽樂城者係後來遷治非漢故縣將到郡而道經柳城則柳城之尚

在陽樂以南可知又曹操征蹋頓於柳城以濱海濤下凜滯不通軍不得進則今山海關之路為當日出柳城之正道可知以形勢論之今寧遠州境及錦縣之西境皆漢柳城縣地至今朝陽縣屬之三座塔一隅特柳城邊境之地而未可即以是為漢縣所在也若隋唐亦皆有柳城

縣即營州所治本非漢之柳城且是時遼西之地僅存一縣通典及太平寰宇記載柳城東至

遼河南至海西至北平郡

唐平州北平郡即今永平府

蓋今

錦州府全境皆是其兼及今建昌朝陽縣境者不過十之二三自遼時於今之錦州府地增置州縣遼史遂專以興中一府為柳城縣故地猶

未免偏舉而不全矣又考前漢新安平縣亦後

漢時廢水經注封大水

今源出灤州西境流經豐潤縣東南境之官渠

河出新平縣西

新平即新安平之省文

南流逕新平縣故

城西遶西之屬縣也又東南流龍鮮水

今潯州由境之

陡河

注之水出縣西北馬頭山東注封大水南會

新河南流於海是新安平應距海不遠也又水

經注緩靈水

今源出遷安縣西境流經滦州西境之沙河

出新平縣

東北東南流逕令支城西

漢令支為今遷安縣地

則新安

平與令支接壤可知水經注以封大水龍鮮水

為出新安平縣而漢書地理志則入之海陽縣

下漢海陽為今灤州地謂龍鮮水東入封大水南入海則

新安平之南境又與海陽接壤可知今灤州之  
西境乃漢新安平縣地也後趙石虎建武七年  
遣將軍王華帥舟師自海道襲燕安平破之可  
為明證若平泉州境之大寧故城去海絕遠何  
可強為牽合乎又考前漢交黎縣即後漢昌黎  
縣漢書地理志交黎縣應劭曰今昌黎顧炎武日知錄辨昌黎有  
五有漢之昌黎即前漢遼西郡之第八屬縣後

漢改屬於遼東屬國都尉三國魏於此置昌黎郡者是也有慕容燕之昌黎晉咸康三年慕容皝徙昌黎郡又皝破宇文逸豆歸徙其部人於昌黎至後燕北燕時各於此置昌黎尹者是也有北謂之昌黎魏書地形志營州昌黎郡領龍城廣興定荒三縣者是也有唐之昌黎唐武德五年以奚部置崇川貞觀三年改名北黎州治營州東北之陽師鎮八年復為崇州領昌黎縣

後陷入契丹遼志建州永康縣本唐昌黎縣地  
者是也有金之昌黎遼置營州鄰海軍治廣寧  
縣金大定二十九年改名昌黎縣者是也漢之  
昌黎在今山海關東境慕容燕之昌黎與龍城  
相近在今朝陽縣之東南境北魏之昌黎即治  
龍城在今朝陽縣唐之昌黎雖在邊外祇以羈  
縻蕃戶並未實有城郭疆域未可與內地州縣  
同論金之昌黎即今永平府之屬縣是五者名

同實異論古者每易於相混考漢書地理志於

交黎縣下注云渝水

酈道元於渝水未能明指後人或以撫寧縣境之鄉

子河為渝水或以臨榆縣境之石河為渝水皆在近海之境

首受塞外南入

海是昌黎當在渝水下流近海之地前燕慕容

皝以其弟慕容仁據平郭乘海討之從昌黎東

踐水而進可見昌黎之地南抵於海今臨榆縣

境及寧遠州之南境即漢昌黎縣地也至若水

經注白狼水逕昌黎縣故城西又東北逕龍山

西又北逕黃龍城東此昌黎故城在龍城之西  
南蓋即慕容氏所徙之昌黎北齊書天保四年  
北討契丹從西道超長塹辛丑至白狼城壬寅  
經昌黎城是時軍行自平州出盧龍塞則昌黎  
正在塞外亦即慕容氏所徙之昌黎而皆非漢  
之故縣也自水經注於白狼水所逕之昌黎城  
下誤引漢書地理志交黎之文後人遂以慕容  
氏之昌黎為漢之昌黎其誤固有自來矣又考

前漢平岡縣亦後漢時廢北魏冀陽郡亦有平  
岡縣而不詳沿革且冀陽郡設於武定五年至  
武定八年東魏已亡是平岡之立縣不及三年  
蓋亦徒置之縣非即漢之故縣也前漢之平岡  
為右北平郡治秦右北平郡治無終縣今薊州  
及玉田縣地後漢右北平郡治  
土垠縣今豐潤縣  
地皆與前漢異田疇之告曹操曰右北平郡  
舊治平岡道出盧龍邊於柳城則平岡當與盧  
龍塞相近晉庾仲初注揚都賦曰盧龍山在平

置

漢書平岡水經注作平置魏書地形志作平岡晉書作平崗又作平垌

城北正

與田疇之言相合是漢平岡當在今遷安縣北  
近邊之地也至水經注謂自盧龍東越清陁至  
凡城二百里自凡城東北出趣平置故城可百  
八十里向黃龍則五百里並譏庾氏之言為失  
竇夫仲初為晉時人去漢未遠不應漫無考據  
知庾仲初所言者漢之平岡而酈道元所指者  
乃北魏之平岡固未可混而為一矣此外惟白

狼石城廣成三縣與建昌縣平泉州境接壤而亦未能跨有建昌平泉之地蓋漢之長城既東抵遼水則自今永平府東北邊外以迄於錦州府界當建昌朝陽兩縣之最東南境平泉州之最南境尚當為長城以內地水經注白狼水今大

凌河詳見水門

出廣成縣北流西北屈逕廣成縣故城

南又北逕白狼縣城東知廣成縣在白狼縣之

東南又石城川水

在大凌河發源處所會諸小水中詳見水門

出石

城山東流逕石城縣故城南北屈逕白廬山西  
又東北入廣成縣東注白狼水知石城縣在廣  
成縣之西南白狼水即今大凌河自喀喇沁左  
翼南發源東北流逕興中故城

即古龍城地

南又東

南流入錦州府義州境則白狼諸縣並當在古  
龍城以南大凌河發源附近之地白狼在慕容  
燕時稱為重鎮其石城廣成亦俱置縣而分割  
參錯觀魏志建德郡治白狼城而廣都縣

即廣成縣

水經注廣成  
俗謂之廣都

下復注併白狼建德郡領石城縣

而廣興縣下又注有石城於是白狼石城廣成

皆非漢縣之故址約畧言之為今臨榆縣撫寧

縣遷安縣北境與建昌縣平泉州相接之地也

自北魏以後白狼與廣成不復置縣惟唐平州

所屬有石城縣通典及通考皆以為即漢舊縣

唐書地理志又以為臨渝縣之改名盖用漢之

舊名未必即漢之舊治總之漢時遼西郡右北

平郡北境諸屬縣與建昌縣平泉州境雖屬接壤而皆不可入本境之沿革因舊說流傳率多

淆混特附辨於此

以上論漢時柳城諸縣與承德府屬之建昌朝陽二縣平

泉州境或相距尚遠或本屬接壤而皆未能跨有州縣之境以訂舊說在塔子溝八溝二廳蒙

之地之誤



欽定熱河志卷五十六